



ATASSUT

Steen Lyngé

UKA 2015/73

01.12.2015

**Apeqquteqaat aallaavigalugu oqallinnissamik siunnersuut: Qanoq ililluta imeq sermerlu nunatta avataanut niuerutigalugu aningaasarsiutiginerusinnaavarput ?**

(Inatsisartunut ilaasortaq, Anthon Frederiksen, Partii Naleraq).

ATASSUT-mit Partii Naleraq sinnerlugu Inatsisartunut ilaasortaq Anthon Frederiksen allarniutigalugu qutsavigissavarput siunnersuutaanut, tamannalu ima naatsumik ATASSUT-mit oqaaseqarfigissavarput:

ATASSUT-mit paasillaarsinnaavarput siunenrsuuteqartup ujartormatigit nunatsinni qanoq ililluta erngup sermillu avammut niuerutigineqarluni aningaasarsiutigineqarnerusinnaanera, tassami nunarsuaq tamakkerlugu takusinnaalluareerpavut periarfissaqarluarsinnaasoq aammalu namminneq nunatta iluani 938-mik nioqqutissiuleraluarnerup nalaani malunnarpoq nunatsinni inuit namminneq nunaminni nioqqutissiamik pisinissamik soqutiginnissimani, tamanna ersertarpoq nioqqutissaajunnaarnerata kingorna pisisartut akornanni maqaasineqartarneranik oqariartuuteqartarnerisigut.

Ajoraluartumilli 938 maannakkut nunatsinni tunisaajunnaarsimavoq, tassunga atatillugu ATASSUT-mit Naalakkersuisunut apeqqutigissavarput taamatut imermik tunisassiornissamik akuersissummik pereersimasut kingornatigullu tunisassiorunnaartut, akuersissummik tigumminniinnarsinnaanerat qanoq inissisimansoq?

ATASSUT-mit isumaqarpugut nunatta iluani tunisassiorfinnik annertunngikkaluaniq ineriartortitsinnaanermut nunatta namminneq imminut pilersorsinnaaneranik aallaavigineqarsinnaaneranut tunngavisseeqataasinnaanera pingaaruteqarsorivarput, pingaartumik takornariartitsinerup inerisarneqarnissaanut nunap immikkuullarissusaanik aamma takutitsisuusarmat.



Tamatta aamma nunatta avataani angalasarsimasut, misilittagaqarfigisarpaput nunami angalaffigisimasatsinniit aallalernermi tamajuitsussanik niuerniarneq, tassanilu aamma pisataannaanngitsunik, kisianni aamma nerisassanik, imeruersaatinik, tunguarnittunillu pisisinnaasarpugut, taamaattumik tamakku aamma nunatta tunisassiaataanik avammut nittarsaakkiartuaarnissaanut aqutissaalluarsinnaavoq.

Soorlu aamma ATASSUT-mit ataasiarata inerisarneqarsinnaasutut tikkuartarnikuuvarput nunat allamiut takornariartaataannut nunatta kiffartuussinerup tungaatigut neqerooruteqarsinnaanermut inerisaasinnaanera, tassunga aamma ilanngunneqarluarsinnaasut ilagisinnaavat nerisassanik imeruersaatinillu pilersuisinnaanermik inerisaasinnaanerit. Kisianni soorunami tamakku pinngitsaaliissutaasinnaanngillat, taamaattorli ATASSUT-mit upperaarpaput nunarpaput unammillersinnaassuseqaleriartorsinnaavoq, nunatta iluani namminneq tunisassiaateqarnitta annertusiartortinneqarneratigut.

ATASSUT-mit isumaqarpugut nunatta pissarititaanik atorluaasinnaanitta nammineq pilersorsinnaanitsinnut inerisaanerup naligninnaasumik malitsigisinnaalissagaa avammut tunisassiorsinnaaneq. Aamma pikkoriffigineruserisaraqarpaput eqqumaniarfigissallutigut tunisassiornermut atatillugu niuernermut pilersaarusiap piviusorsiortuunissaat minnerunngitsumillu aamma eqqaamasariaqarpoq tunisassiornerup imminut akilersinnaasuunissaa, nunatsinnilu tunisassiornernikkut inerisaaniaraanni pisariaqarpoq aningaasalersuisinnaassuseqarnissaq tunisassiat inerisarnissaanut aammalu nittarsaanneqarnissaannut.

Taamaattumik ATASSUT-mit isumaqarpugut tunisassiornermik nunatsinni inerisaasinnaanermut aqutissaalluarsinnaasut ilagigaat maannakkut tunisassiorfiit pioreersuut inerisaanissamut peqatiserineqarsinnaaneri.

Tassaappaput ATASSUT sinnerlugu maanna apeqquteqaat aallaavingalugu oqallinnissamut siunnersuutigineqartumut oqaatigerusutavut.